

*Ecclesiæ in sanctissimis illis decretis sitam esse videres, nunquam oculos remouisti: sed ut regem vigilantem & religiosum decet, omnia circumspeexisti, consilia atq; conatus hostium diligenter obseruans, ad firmissima militum, si opus esset, collocanda præsidia, atq; ad sacrosanctum illum locum protegendum te paratum esse per legatos tuos frequentissimè, denunciabas, & viros omni literarum & virtutum genere præstantes, ipsum inquam Hispaniæ florem, illico Tridentum misisti: ut quæ catholici fidei maximè essent consentanea, decernerent. Quanta verò solitudine prouincias, nationes tuo imperio subiectas in officio continueris, ne ab Ecclesiæ unitate auocarentur, illud certè maximum est argumentum in illis potissimum sinceram religionem, & Apostolicæ Sedis obseruantiam relucere. Huius rei testis est Hispania, in qua cum tot haberes præcedentium clarissimorum regum exempla, in memoriam reuocans auum Philippum, at auum Ferdinandum; Carolum V. parentem tuum Imperatoremq; maximum, qui omnes fideissimi religionis defensores extiterunt; memorq; antiquæ religionis, ac veritus ne aliqua tua culpa, aut negligentia Hispania dehonestata: & maiorum tuorum gloria obscurata videretur; tam sollicitam curam adhibuisti, & inter saucias & furentes vicinas prouincias Hispaniam incolumem & sanam habeamus. Tanto igitur cæteris regibus antiquis maiorem gloriam es adeptus, quanto est gloriosius nauem in aliquo magno naufragio quàm in portu regere & conseruare: quantò est illustrius & magnificentius Hispaniam ex tam pernicioso & tam vicino incendio quasi iam fumantem ab ipsis sæpe hereticorum unguibus eripuisse. Deinceps cum magnum Hispaniæ periculum ab hereticis inninere conspiceres, omnes maritimas oras, quæ Mediterraneo mari & Oceano abluuntur, diligenti custodia munuisti, ut nullus aditus huiusmodi Satanae ministris patere potuisset.*

*Quòd si*